



## **Universitätsbibliothek Paderborn**

**Nicolai Mazzotta *theologia moralis***

omnem rem moralem absolutissime complectens

**Mazzotta, Nicolò**

**Augustae Vindelicorum & Cracoviae, 1756**

§. I. Quid de ignorantे Mysteria Fidei?

**urn:nbn:de:hbz:466:1-41004**

petant; cum tunc sit minus malum iterare; *Non enim temeritas intervenit præsumptionis, ubi est diligentia pie-tatis,* inquit S. Leo. Cæterum ex eo, quod protuleris formam distraictus, non habes rationabilem causam dubitandi, an revera integre protuleris: similiter, si ob distractionem ignores, an protuleris verba essentialia, sed scias, te dixisse *In nomine Patris, &c.* nisi vero non sis habituatus integre omnia proferre: Gob. n. 176. Si autem sine determinatione, utrum velis absolvere à censuris, an à peccatis, dicas *Absolvo te, non peccas, si,* statim ac te determines, repetas eadem verba, quia probabile est, in his tantum verbis non contineri solutionem Sacramentalem, & potes inter probabiles sequi tutiorem; uti neque peccas, si non repetens determines voluntatem prosequendo, quia sufficit, si verba absolutionis habeant suam determinatam significationem, quando profertur ultima syllaba: Gob. t. 7. n. 155.

### C A P U T III.

*An aliquando neganda sit, vel differenda Absolu-tio?*

**V**IDENDUM I. de ignorantे Mysteria Fidei: II. de habente occasionem proximam: III. de Recidivo.

#### §. I.

*Quid de ignorantе Mysteria Fidei?*

**D**ico primo: Qui sive culpabiliter, sive inculpabili-ter ignorat hæc duo Mysteria, *Quod unus Deus sit,* & *quod Remunerator sit*, nullatenus potest absolvī. Ra-tio est, quia horum fides explicita est necessaria nece-sitate medii ad justificationem, ex Apost. ad Hebr. 11. *Accidentem ad Deum oportet credere: quia est, & quod Remunerator sit:* ergo adultus, qui hæc ignorat, non potest justificari per Sacramentum Pœnitentiæ: & con-sequierer ne in articulo quidem mortis potest absolvī sub conditione, sed debet prius breviter de his instrui, ita ut explicite ea credit; aliter est certo indispositus.

*Dico*

Dico secundo: qui sive culpabiliter, sive inculpabiliter ignorat haec alia duo, *Trinitatem*, & *Incarnationem*, non potest licite absolvvi extra articulum mortis. Ratio est, quia, quamvis multi cum Gran. & Sanchez probabiliter dicant, haec duo mysteria esse necessaria tantum necessitate pracepti; tamen alii communius cum Suar. Con. Sot. probabiliter, imo & probabilius docent, esse necessaria necessitate medii: ergo, si Confessarius talem ignorantem absolveret, peccaret sequendo primam opinionem probabilem relicta secunda tutiore, adeoque exponendo Sacramentum periculo frustrationis; quod damnatur ab Innocent. XI. Prop. 1. Ideoque ab eodem damnatur haec alia Prop. 64. *Absolutionis capax est homo, quantumvis laboret ignorantia mysteriorum fidei, & etiamsi per negligentiam etiam culpabilem nesciat mysterium SS. Trinitatis, & Incarnationis D. N. J. C.* Hinc in articulo mortis debet confessarius breviter talem ignorantem instruere de his mysteriis, antequam absolvat. At, si nullum omnino esset tempus instruendi, absolvere eum potest, ac debet sub conditione; quia in tali casu potest, ac debet uti prima opinione probabili, & conditio apposita salvat reverentiam debitam Sacramento: in dicta enim propositione solum damnatur, quod fit *Capax* *absolutionis licet*, non autem *absolutionis validae*; cum adhuc hodie maneat probabilis prima illa sententia: unde etiam infert March. apud Dian. p. 5. t. 13. r. 84. non esse repentendas confessiones factas ab eo, qui ignorabat haec mysteria, quia probabile est, quod fit valide absolutus: v. dicta tr. 2. d. 1. q. 1. c. 1. §. 2. quæsito 3.

Dico tertio: Qui sive culpabiliter, sive inculpabiliter ignorat reliqua Mysteria Fidei ab omnibus scienda, & credenda ex necessitate pracepti, regulariter non est absolvendus, donec addiscat. Ratio est, quia haec Mysteria sunt Symbolum Apostolorum, oratio Dominica, pracepta Decalogi, & Ecclesiæ, Sacraenta omnibus necessaria, scilicet Baptismus, Poenitentia, Eucharistia, & quæ ad haec recipienda requiruntur. Sed, qui talia ignorat, quamvis proponat addiscere, tamen ex communiter contingentibus presumitur, quod nolit efficaciter addiscere; ergo regulariter differenda est ei absolutionis, donec addiscat. Dixi regulariter; nam in articulo mortis est absolute absolvendus: item in casu necessitatis communicandi ad vitandum scandalum, aut infamiam, aut

aut aliud grave damnum; modo doleat de sua negligenta, si fuit negligens, & proponat postea addiscere. Cæterum præceptum hæc addiscendi memoriter ex consuetudine solum obligat sub veniali: Nav. Lop. & alii contra Barbos. Quare, si ea ita imperfete sciat, ut saltem interrogatus sciat respondere, potest licite absolvvi, et si nesciat ea memoriter recitare. Si vero nec sciat respondere, instrui prius debet, vel remitti ad Parochum, qui tenetur ex officio eum instruere. At, si quis sit adeo stolidus, ut nullam propriam rationem de his Mysteriis formare queat, est quoad hoc adnumerandus inter infantes, & perpetuo amentes: Tann. Vide dicta §. supra cit. n. 2. quæsit. 6,

## §. II.

### *Quid de habente occasionem proximam?*

**O**CCASIO peccandi alia est remota, alia proxima. Remota dicitur, in qua quis nunquam, aut raro admodum peccavit, nec prudenter timet, se peccatum: ut si decies acceperit ad tale consortium, & nunquam, aut forte semel, seu raro, & potius veluti casu est lapsus; & huic per se loquendo non videtur neganda absolutio, ex eo præcise, quod nolit eam occasionem deserere, quia aliter deberemus exire ex hoc mundo, ut loquuntur Theologi ex Ap. 1. ad Cor. 5. Proxima occasio dicitur, in quas quis frequenter peccavit, vel prudenter timet, se peccatum: ut si decies acceperit, & octies, vel septies est lapsus, ea est occasio certe proxima; si vero ter, aut quater, est probabiliter proxima: Gob. in Exper. t. 7. num. 527. Et huic est omnino deneganda absolutio, si nolit deserere talen occasionem proximam peccandi mortaliter; quia jam est ei voluntaria; ideoque actuale peccatum, ex illo Eccl. 3. *Qui amat periculum, peribit in illo*, hoc est ipse amor periculi peccatum est, ut explicant Doctores communiter: idque verum est, etiamsi periculum sit probabiliter proximum, cum hoc etiam sit præsens animæ malum: Carden. & alii contra Caram. Gob. & Mendo. Hinc ab Inn. XI. damnatur hæc Prop. 61. *Potest aliquando absolvi, qui in proxima occasione peccandi versatur, quam potest, & non vult omittere.*

Dubium